

道門科範大全集卷之六十七

三洞經錄 弟子仲勸修

真武靈應大醮儀

晚朝行道

法事醮壇如式

各禮師存神如法

宣衛靈呪

太陰化生 水位之精 虛危上應 龜蛇合形  
周行六合 威攝萬靈 無幽不察 無願不成  
劫終劫始 剪伐魔精 救護羣品 家國安寧  
敢有小鬼 欲來見形 吾目一視 五嶽摧傾  
和與道合真

鳴法鼓二十四通

無上三天玄元始三炁太上道君太上老君  
召出自身中三五功曹左右官使者左右捧  
香驛龍騎吏侍香金童傳言散花玉女五帝  
直符直日香官合三十六人出出者嚴裝顯  
服冠帶垂纓關啓玄壇土地方域神真且今  
靜夜行道謹奏為宣意其諸情悃已錄告聞  
願得太上十方至真道炁靈寶瑞光下降流

入自身中令且所啓速達徑御

太上無極大道

昊天玉皇上帝御前

請稱法位

具位且與合壇眾官等謹同誠上啓

太上無極大道元始天尊太上大道君太上  
老君太上昊天玉皇上帝九皇上尊十方無  
極太上靈寶天尊已得道大聖眾至真諸君  
丈人三十六部尊經玄中大法師北極佑聖  
真武靈應真君三界應感一切真靈且聞太  
極纔分二炁列尊卑之象元精既判五行推  
變化之方雖消長之無窮實本源之有自居  
坎則歸根復命在艮則資始成終是故陽生  
必自於陰方而帝出始臨乎震位資天一至  
精之奧為品庶泰陽之宗故我真君尊居北  
闕發天地生成之德運陰陽鼓舞之神豈無  
自而然哉亦有因而致也醮官某等恭披藥  
簡歷究仙蹤年紀闡皇國稱淨樂陽精效瑞  
覽空秀之非常素魄載圓表誕彌之過歷降  
靈紫殿毓德青宮豁達不羈肆神靈於天縱

清真自樂視富貴以雲浮行滿武當身飛璇  
極邊玉皇之妙教鎮朔易之遐方子丑交逢  
首諸官而獨冠虛危夾輔環列宿之增光夫  
何十地化表六天魔威兇威漸肆殺氣寢淫  
既天闕於生靈復蔽欺於天鑒冤聲洞達慈  
旨哀矜妙行啓陳侍童促召風行雷動既宣  
勇猛之威電掃雲消盡勦妖邪之類至令品  
彙咸荷扶持醮官某等夙沐恩波叨聞聖範  
逮事香火爰涉歲時式逢星馭之按臨敢薦  
芹誠之精潔上以答此休之德下以伸悔謝  
之誠仰埃函容俯慙塵蹟諒此高明之瞻必  
垂下視之恩瞻望雲霓不逮咫尺懇祈激切  
敢不上聞

宣詞

按如詞款備見乃誠仰惟聖德巍巍壓紫微  
之近侍神功俊敏宣玉帝之洪威雖錫命於  
朔方寔監觀於九有儲精水德鎮位星津緝  
斂無方應人心而如響聰明不爽誅鬼類以  
無遺茲普願之所成實宏區之仰賴今醮官  
某心傾葵藿禮寓蘋蘩香噴瑞氣以氤氳燈

炷列星而晃耀鳳蠟吐三春之秀雪芽生兩腋之風騰踏雲霄既上資於風馬光芒府庫復薄薦於金錢誦秘誥於清霄延真游於菲席以今靜夜行道請法眾等運茲初捻上香願此香煙騰空供養

三清上聖昊天至尊北極真武靈應真君臣等皈身皈神皈命以是運香功德上祝

今上皇帝伏願二儀並固三景齊明仁格堯湯化超義肆后妃嬪主太子諸王德贊紫宸功扶皇極文武卿佐中外職容敷溥澤以無私致雍熙而成化千戈永戢水旱不興疫毒消沈妖氛屏息今故燒香自皈依

道尊大聖眾至真之德得道之後昇入無形和與道合真

以今靜夜行道請法眾等運茲三捻上香

願此香煙騰空徑上供養

北極真武靈應真君所屬武曲星君北極一切聖眾臣等皈身皈神皈命以是運香功德歸流奉道共家九世七玄億億萬祖權魂玄夜鍊魄朱官浴流火以登真列瑤編而證品

垂祥介福利祐見存今故燒香自皈依經尊大聖眾至真之德得道之後昇入無形和與道合真

以今靜夜行道請法眾等運茲三捻上香願此香煙騰空供養

北極真武靈應真君三界應感一切威靈臣等皈身皈神皈命以是運香功德歸流奉道其等福善資薰神明贊佑五行三命永無刑剋之凶宿債前寬盡契和平之樂壽域增廣罪目清平今故燒香自皈依

師尊大聖眾至真之德得道之後昇入無形和與道合真

重稱法位

具位臣某與合壇眾官等謹同誠上啓

太上無極大道元始天尊太上道君太上老君太上昊天玉皇上帝九皇上尊十方無極

太上靈寶天尊已得道大聖眾至真諸君大人三十六部尊經玄中大法師北極佑聖真武靈應真君三界應感一切真靈臣聞驕奢淫泆者邪之所親正直靖恭者神之所好雖

至真之莫測而此理之必然恭惟聖道雖洪正人是與儻欲依棲於陰佑宜先洗滌於積愆仰冀大慈俯昭丹悃伏念懸官某等塵蒙膠擾世網縈纏六賊外攻三尸內誑庚申甲子功果闕違四序三元薰修脫略五辛雜糅

遂昏滌於五情三獸熏蒸乃醞成於三毒美衣豐食不念從來謗語惡聲同知所戒或規圖財賄歛怨世俗之小人或殺害生靈重傷天地之大德見取直情之見心無悔過之心細行不矜正神速離百邪得計萬死何堪幸

停天仗之雲輦敢瀝愚衷之血懇仰祈肆赦許與自新伏願懸官某等內湛靈臺外齊止水三官皎潔六氣和平常安不二之神默守天元之妙丹田固密鍊成養浩之功瓊液降昇超得谷神之要呼吸灌三光之真炁綿延

齊九轉之遐年青篇操功行之書黑簿落愆尤之字常依正法密借慈光出入行藏明神協契溫清寒煖疫癘殄除魘魅魍魎之莫達富壽康寧之必致上願天清地靜國泰民安同歸清靜之風共樂昇平之化上

明天尊大慈之澤下副臣等故向之誠謹啓  
以聞

十二願

復爐

謹攝香官使者左右龍虎君侍香諸靈官當

令臣向來靜夜行道之所自然生金液丹瑋

芝英百靈衆真交會在此香火爐前當願十

方仙童玉女接侍蘭煙傳臣向來所啓之誠

速達徑御

至真無極大道

昊天玉皇上帝

出堂頌

道門科範大全集卷之六十七

道門科範大全集卷之六十八

甲

廣成先生杜光庭制

真武靈應大醮儀

設醮行道

法事隆壇如式

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘飈散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 與道合真

無上三天 玄元始三炁 太上道君 太上老君

召出臣身 中三五功曹 左右官使者 左右捧

香驛龍騎 吏侍香金童 傳言散花 玉女五帝

直符直日 香官合三十六人 出出者 嚴裝顯

服冠帶 垂纓關啓玄壇土地 方域神真 臣今

靜夜行道 謹奏為入竟其諸忱悃 已錄告聞

願得太上十方至真道炁靈寶瑞光下降流

入臣身中令臣所啓速達徑御

太上無極大道

昊天玉皇上帝

請稱法位

具位臣某與合壇衆等謹同誠上啓

太上無極大道元始天尊太上大道君太上

老君太上昊天玉皇上帝九皇上帝尊十方無

極太上靈寶天尊已得道大聖衆至真諸君

丈人三十六部尊經玄中大法師北極佑聖

真武靈應真君三界應感一切真靈臣聞龍

漢紀號之初元始演法之日敷五雲之妙座

會十方之衆真上元仙官天樂自響俄於良

位大震七聲奄闢天門下觀世界黑毒血光

之悉自下而衝太陽道境之中俯目皆見爰

有妙行發問異因欲請感光下除魔鬼感天

尊之慈訓述真武之靈蹤淨樂國王善勝皇

后吞日光於夢寐誕聖子於宮闈稟自然之

神靈負過人之勇猛輔行正教難過勤誠捨

斷天下之妖魔普救世間之羣品武當修道

功成於四十二年白日登天德正於北方水